


香樹齋續集

PL
2705
I378A17
1750
v.7





序

乾隆辛未歲少司寇錢先生鐫香樹齋詩十八卷
進呈

上覽集中夜紡授經圖題二斷句以賜褒母德
嘉子孝不止美詩格之高也藝林重之海宇傳之
共推標準圭臬矣今將刊其壬申以後詩爲續集
凡四卷潛伏而誦之知前集中半屬應制賡和持
節四方登臨懷古之作而續集所編多歸里燕居
詩也先生於壬申秋因疾請假
天子賦詩餞送舟行山左中心戀
闕用古人韻

香樹齋續集 月
成詩以獻

九重嘉獎亦仍元韻 賜之明良一德古今罕邁
到家閑適諸所詠吟猶是林園養疴寄興泉石與
夫友生會合話桑麻課晴雨之作而隨所感觸永
懷

君恩時時流露於載實舒文之表蓋由忠愛悱惻
原於性生有不啻飢食渴飲之不知其然而然者
也潛憶始官中朝時隨先生步趨惟恐或失

天子時命賡韻矢音承
恩優渥亦得廁先生後今退歸六年雖間亦賦物

寫情睠懷

主德時深玉堂天上之感然才力薄弱止如候蟲
之鳴非復清廟明堂之響讀先生詩有爽然自失
者已先生天才踔越根柢深厚醞釀古人而自開
面目序前集諸公備論之不更陳也且先生暫假
歸里 當宁虛席以待他時孜孜日贊出其餘力
以闡揚功德應有與二雅三頌相表裏者潛雖耄
老猶能操筆以序之甲戌冬日長洲館後學沈德
潛謹題

題詞

讀香樹齋續集高妙不可思議卽集其句奉

題八絕句

後學天台齊召南

玉皇案吏已華顛普潤班聯逮里閭認作當時蘇
玉局顏書杜句一身兼

人品蕭疎澹若秋珠光百琲定還流撐腸文字三
千卷廊廟江湖豈異謀

不學神仙只學詩無心得句益多奇詩情潤適澹
于菊履道坊中矍鑠時

輕雲淦淦氣昌昌水竹山居枕上方閒愛著書多

歲月

文思天子正當陽

宦味經年亦淡如
楓林紅葉襲衣裾
翠屏亂疊輕雲裏
看遍千林搃不如

墨痕粉本總相宜
峭語清寒字字奇
廣大風騷真不忝
一時能誦百篇詩

村田宜雨亦宜晴
眼界何妨萬象生
山水有緣皆本性
新詩早見八叉成

應瑞身兼甫與申
一沾

天語倍精神
柳塘詩卷東籬菊
邀我看花意更真

香樹齋續集目錄

卷一 古今體詩三十一首

卷二 古今體詩六十一首

卷三 古今體詩六十八首

卷四 古今體詩一百三十二首

卷五 古今體詩五十三首

卷六 古今體詩三十九首

卷七 古今體詩三十四首

卷八 古今體詩三十四首

卷九 古今體詩三十四首

古今體詩七十四首

卷六 古今體詩三十三首

古今體詩七十七首

卷七 古今體詩五十三首

古今體詩七十二首

卷八 古今體詩一百三十一首

古今體詩六十八首

卷九 古今體詩六十一首

古今體詩七十一首

卷十 古今體詩一百一十一首

古今體詩五十七首

卷十一

古今體詩四十七首

卷十二

古今體詩七十七首

卷十三

古今體詩五十九首

卷十四

古今體詩六十二首

卷十五

古今體詩七十六首

卷十六

古今體詩六十二首

卷十七

古今體詩五十三首

卷十八

古今體詩七十首

卷十九

古今體詩七十三首

卷二十

古今體詩九十首

卷二十一

古今體詩七十五首

卷二十二

古今體詩六十四首

卷二十三

古今體詩八十一首

卷二十四

古今體詩七十三首

卷二十五

古今體詩六十三首

卷二十六

古今體詩六十三首

卷二十七

古今體詩六十二首

卷二十八

古今體詩九十四首

卷二十九

古今體詩七十一首

卷三十

古今體詩九十首

卷三十一

古今體詩五十七首

卷三十二

古今體詩百二十九首

卷三十三

古今體詩九十七首

卷三十四

古今體詩八十七首

卷三十五

古今體詩百二十九首

卷三十六

古今體詩七十一首

香樹齋詩續集卷一

嘉興錢陳羣集齋

題傅玉篴師蓬山望闕圖

玉皇案吏已華顛
遊戲人間作謫仙
夢有時通舊籍
扶桑東望水天連

曾訪丹沙到瘴鄉
也因沽酒下餘杭
旁觀不識前身骨
只怪隨從白鳳凰

吟髭一縷曆星紋
醉寫明霞八幅裙
認作當時蘇玉局
便將侍史喚朝雲

蓬萊樓閣白家詩
履道坊中矍鑠時
廣大風騷真

不忝難尋好友似微之

講堂環列魯諸生絕調三年學竟成我亦蓬萊山下客但聞海水便移情

聖母皇太后六旬萬壽頌

有序

臣聞元鳥啟殷有邨誕稷生天地主者爲天地母依古同符如出一揆欽惟

聖母皇太后慶毓虹流祥披月朗資三靈之淳懿備四教之淵微齟齬而動遵禮範弱笄而師表宮闈瑞已兆于堯門體自尊於氣母

我

皇上秉大孝之聖際大順之休履帝位而盡子職
極揚顯而厚天經

慈寧尊奉以來愉愉怡怡溫清無間于冬夏定省
不隔於晨昏視膳潔滫獻珍祝饌至有曾
閔布衣猶難之者

皇上以至性將之不假脩飾自格神明巡幸所至
必躬侍

珮輿行殿甫締先飭

大安華衍清贍如承歡

璇宮也

皇太后仁風廣扇惠澤遠延

慈訓所詒

上必先意承志息息相關體和道順萃慶安貞茲
者歲在重光協洽仲冬廿有五日爲

聖母六袞萬壽之辰

孝治所漸內而天潢懿戚文武鷁行虎賁綴衣及
百執事外而六服侯牧將帥耆碩譽髦商
旅計道里遠近齊力子來獻圖負暄相望
於道至是雲集京師諸福之物可致之祥
莫不畢至

皇上察其忱悃鑒其愛慕荅以禮意歡欣舞蹈填
衢接術一時遊其宇者如入雲來山中十
洲記云西北戶出承淵山有金墉城淵精
之闕光碧之堂王母之所居真官仙子之
所宗殆近是耶時則緹室飛灰女紅添晷
寒沍斂威春和盎然

萬壽之山天然竦翠昆明之湖冰鏡湛澄貝闕涌
於岩端飛樓翔於林表九衢清塵六合布
朗

皇太后乃乘金根交路紫闕鸞和行舒仗清儀肅

法駕躬自導焉橋跨玉虹峰列幔亭夏洞陰瑟彈
八琅璈迴鸞轉鳳之舞應節以宣音諧韻
遞皆人世所未有也先是

詔閣臣恭擬加上徽號曰
崇慶慈宣康惠敦和裕壽皇太后至是

上親上

聖母膳於

壽安宮五日仙廚甘旨潔治惟謹屆期受慶賀頒
詔天下行慶布德自闔關以來未有方斯
盛者蓋我

皇上下大孝至仁能合億萬人之心爲一心以介景
福於

聖母又能體

聖母惠及億萬人之心以錫福於天下洪範言饗
用五福首及於壽詩旣醉之什蘇軾謂是
備五福其次章曰君子萬年介爾昭明福
之柄也五章曰君子有孝子孝子不匱永
錫爾類所以饗用其福也於今見之矣
臣
忝列侍從三十餘年恭遇斯盛不得以不
文謝敬效九如之歌製頌九章以介

慈壽鋪陳繁縟不綴於篇

臣

陳羣頓首稽首謹序

洪惟我清

聖

聖相承代有

聖母懿德嗣興坤元積厚

母範式膺以萃繁祉日升月恆

其一

純昇錫嘏寔誕我

皇思齊比跡任姒重光

慈雲布濩流蔭萬方洵申景命誕受遐昌

其二

有懿

慈闈德含萬彙祈無不應操左而至如春之和如

雨之施詒我有穀昭茲天祐

叶其三

皇哉

大孝敬奉時巡興京展慕蕃部率賓存見孤寡惠
廣澤均

聖母之德

聖母之仁

其四

仁惟好生載攄

聖略清明在朝綏定非拓遠苗歸仁

慈訓所格至哉

徽稱華夷煜燦

其五

曰欽曰儉爲天下先勤農問雨幸繭浴川練裙尺
案美豈專前嘉樂鳴豫保艾用宣

其六

歲在協洽綺甲初巡

慈輿南指江國行春悅以萬姓柔此百神載瞻河

嶽榮光上臻

其七

時惟獻力壽域廣開衢歡巷舞萬國子來

聖母顧之樂與世皆載歌曼壽咸坐春臺

其八

德音旣沛

聖孝備矣雨施物滋錫爾類矣爾類旣錫知風之

自光於上下是曰孝治 其九

春帖子詞

含譽光奎璧鉤鈐應

壽星

一人隆孝治萬國式天經

春遲爲踐梅花約春早還憑臘鼓催鄧尉西溪千

萬樹香風吹入 鳳城來

鹿鳴宴向杏花天丹桂飄當雁塔邊一歲兩看龍

虎榜蓬萊會見引羣仙

題鶯粟

鉛膏細點翦輕紗蝶舞蜂喧日未斜又是麥春香
菜熟東風吹出米囊花

孫懿齋尙書出董東山少宗伯於試院中所
畫山水上有劉延清尙書介景菴少宗伯題
識蓋四公同知貢舉時事也索題一首

南宮春晝長典重清卿屬魚鑰外喧
剡紙遣餘
淑脫手仿吳興娟秀雙松綠亭子
匝春流波紋淨
如穀上有東武詩高韻夏寒玉羣
公望歐蘇能事
千載續想當伸紙時試院茶正熟

恭和

御製上元燈詞元韻

雪霽清霄漾碧空
頭番恰報試燈風
年年院本呈新樣
六合階平五穀豐

舞隊齊陳百彙舒
幾叢翠竹映紅蕖
借他調象燃犀手
搏得師王玉不如

珠光百琲定還流
似入蓬萊現蜃樓

宸藻傳觀輝令節
侍臣仍許進詞頭

酒面迎風皴薄寒
天街悞馬夜初闌
定知叉手銀橋客
一字推敲句未安

眼眶延矚必周巡
萬福光中賀

聖人番藏新來膜拜使也隨擊壤作堯民

譜成一幅太平圖仙樂吹笙更沸竽記得西湖寒
食後杭州燈事賽三吳

富室爭裁巧樣綾蒲簾延月便爲燈

皇心息息關民隱默坐深宮較否應

踏歌曲曲是祈年唱過鰲山韻倍妍赤棒金吾猶
弛禁

一人惕若早乾乾

壬申正月十七日延清尚書宣示

御製上元燈詞八首典麗雅則超邁三唐篇末憂

勤惕厲道合豳風義存蟋蟀心悅誠服各見
恭和詩中時同人呈本約投敝齋及晨彙送
御園東山董宗伯家稼軒閣學及拙詩已裝入匣
子于耐圃學士脫稿最先及閱同人詩有詞
義稍同者復取易之遲久未至輒遣長鬚走
促至於再至于三未應及詩成則漏下四鼓
矣急取讀之煥若精華頓爲改觀鍾太傅有
云羲之學書池水盡黑使人耽之若是未必
後之也歐陽率更觀索靖碑至臥其下三日
乃去康熙間新城王尚書奉使入粵適竹垞

鈍翁亦客於此翁山元孝藥亭三人者方以
詩筆雄長南服高會賦詩取南海廟前木棉
花爲題藥亭詩早出及見漁洋竹垞諸人詩
稱疾辭去凡一晝夜得第二稿見者驚歎以
爲莫及翁山作詩贈之曰苦吟真一死得句
卽長生載藥亭詩集序中余亦仿前輩遺事
成二絕句以嘲耐圃且使後生末學知詩雖
小道非殫力研思未能成就若是也

新詩早見八叉成重洗鉛華韻轉清底事苦吟稱
太瘦要從句裏覓長生

老夫擁被挑燈讀赤脚將頭觸柱時
聲價定知鸞掖重
瓊樓高處賞清詞

奉

勅題畫梅三絕句

僧舍移來影逼真一沾

天筆倍精神侍臣還有鄒長倩
寫出江南二月春
東風無力拗瓊枝第一花傳
第一詩始信天然
稱國色墨痕粉本總相宜

春信連朝報幾分
黛紋澹掃暈微醺
著花老樹偏多態
此是書中王右軍

恭和

御製題文徵明小照韻

供養烟雲羨舊儂風華江左繼南宗卽今身後邀

眞賞莫向生前歎未逢師法沈周吳寬依白社結

交唐寅祝允明是青松酒痕詩本畱襟袖庭際依

稀有鶴踪

題藻川太僕鋤經圖

蒸薪照羣籍著讀餘不挂貫非比炙乾忍耐如爬
疥擘理稂莠芟存粹糠粃汰業成 王國儀鳴鳳
何翾翾聖網洵云恢匪學曷以絪二雛千里駒角

惣髮如蠶一卷各分程大意了能解月卿今文昌
編剗早沿派吾老廢蓄畬當饌輒思噉有兒孩且
瘠基薄懼易壞君方廣傳經教示行將丐他時出
跟踭提耳責兩拜倘許朽棧乘衰白期一快

穀日奉攀松泉少師攜諸郎過敝齋小敘卽

和見貽元韻

道合交有神願力自相赴憶昔結比隣藝術披情
素笑余抱燕石况敢擬南璐燈火餘照分圖史清
芬御遭逢際明時良苗承雨露恩暉襲簪裾蓬萊
最深處踪跡分偶違詩篇投輒互墻角便取攜門

限越孩孺春鶯喬早遷弱羽枝仍故一再詠角弓
封殖手所樹郎宿蔚家聲繼起白雲署吾子守條
冰珥筆謹趨步幼穉及童孫就傳記方數更喜次
君才能讀連蜷賦課子各廿年勤苦略相訴編剗
應有人不蕘實所懼而我慚老烏拮据猶乳哺豈
期他日者門望稱廚顧時奉長者言圭璧同珍護
今朝細生菜一卮陳薄暮話舊卽徵懽瑣屑問家
務居然一室中兩姓三世聚簾外雪正深瑞氣欣
符遇流傳到同官或者發清慕

附原作

汪由敦

開歲眷嘉招下直戒早赴尤欣得良辰新雪俄
積素三冬望頗殷可寶甚瓊璐入座無雜賓各
以三子御前席命阿孫頭角已先露長筵列燕
寢是我舊居處軒牕故依然門徑稍迴互憶昔
作比鄰諸郎甫童孺俛仰三十年翁媪喜如故
兒曹易長成蔚若春園樹優者鳳池英劣亦翔
粉署君家渥洼產汗血策高步吾子殊庸庸豚
犢安比數隨地各有分賢愚信天賦迴首締交
初艱辛日相訴望賒今更過默計良足懼公老
力尚勤乳穀八九哺閣後聽啼聲白鬚笑而顧

殷勤貞晚節前路善保護遭時勉一效非云惜
遲暮盡歡不辭醉官程正休務暢懷瑞霙渥况
應德星聚鼎鼎百年中此會能幾遇紀之示來
昆孔李心所慕

謹堂少師文筆推重當代去歲

羣

編次拙集

慨然賜序不知所報昨得予奉和一篇次日

復疊前韻爲荅兒子

汝誠汝恭

初學爲詩並

各示一首詞旨深厚感激難宣仍步前韻以

謝

爲山成一簣是水必東赴忠信裕先資藻績皆後

素君才爲國琛孚尹比瑤璐天馬縱飛黃終受王
良御匡時學旣醇驚世章不露著作今大匠斧鑿
無尋處締造渾天成結構况環互物望擬燕許姓
氏識婦孺我學房次律破甕偶逢故曾憶江東雲
却寄渭北樹予奉 差關中又數年還里門先
生多有寄懷之什今皆載拙集中乞
敘慰平生弁冕鴻裁署直以珊瑚鞭來策駑馬步
賢聖方接踵如公寔有數執德氣善下愛才性所
賦早絕繫援交仍許顛連訴時抱生民憂更切中
道懼士苟思繼音未惜勞乳哺繩準倘稍違曲悞
時一顧春風滋蕙蘭沾漑施培護淺薄我則慚猛

香梅齋續集 卷一 三
省忽遲暮安能棄耰耨而日工農務幸際
堯舜君衆正盈廷聚春林求友聲良時君子遇况
示一低徊穆然有深慕

附
原韻

汪由敦

公才浩滄溟含納百川赴攬結愛景光披豁見
情素冥搜得元珠陸離綴連璐廿卷編甫就
顧問促進御悱惻動

宸衷精采炯騰露走也驚望洋亦略識佳處時
復不自量挑戰韻重互况茲愜心期招攜逮童
孺向榮各懷新迨歡仍道故卅載惜流光十圍

指庭樹春坊與秋曹往者再同署池鳳喜重迹
磨驢笑失步談笑縱忘形飲啄良有數積抱聊
一傾感會偶成賦有如候虫吟唧唧祇自訴蟋
蟀思其憂冰淵多所懼幸接鷓鴣儔豈爭雞鶩
哺惟虞仔肩重遠道屢却顧力孱終易仆識短
敢自護趨走閱歲時提撕謹晨暮依依骨肉親
通力勸本務林茂安並栖藻密暖相聚因之感
明時重此眷良遇飲醇心旣醉尋詠志餘慕
香樹前輩見招之次日公子立之編修赴中
州典試賦此贈行仍用前韻

大陵菁莪育滄海魚龍赴知味辨淄澠別白瞭
未素明堂徵梗柟清廟薦琮璐恩榜詔旁求
銜命戒徒御白袍行鵠立翹首待雨露闔辛
苦地是子報國處尊公屢持衡江楚後先互鑿
拔皆宿儒流風被童孺中州今繼武詞苑增典
故浪激黃河冰雲開嵩少樹想見燭花紅森沉
坐清署雅裁式庭訓先民循矩步勿淆魚目珠
委曰此有數寒攻螢案苦春盜鹿鳴賦點額潛
自嫌抱璞將誰訴念彼瑁璆人寔凜鬼神懼哀
逾涸轍轉急甚饑雛哺苟非冀北空奚重伯樂

顧征郵冒霜雪行役慎將護公餘式遄歸定省
承早暮解裝叩行笈詩卷亦先務我當攜一尊
團鬪快重聚縷數論文樂暢述知已遇桃李有
新陰千載同所慕

再疊前韻酬仲君雨時孝廉見和之作

大弔殼千鈞百步遠能赴貫蝨與穿楊養之在
平素圓流蘊夜光長佩懸寶璐善駕在車後交
衢識良御喜子善叩擊爲子一吐露鳥爪快爬
背要自知癢處與子舊通家來往踪跡互在昔
相見初摩頂自嬰孺兩翁尚聯袂顏鬢慨非故

却羨挺拔才森森謝家樹子少工綴文淡墨名
早署行看雁序連高躡登瀛步我老閱人多作
手代有數疇賞夜珠篇疇擅凌雲賦清高霜鶴
唳哀怨寒螿訴逝波日以頽岐路良滋懼昔賢
懲玩愒當飡或忘哺至寶見者珍瓦缶過弗顧
所以老農心嘉禾厚培護不甘萑稗秋憂切蓬
蒿暮春及力蓄畚三時勤作務况子淵源長師
友一門聚人豔名家駒分有國士遇遠大以爲
期望古應興慕

壬申花朝日諸草廬編修約同人集嘉樹齋

以白樂天庭栢詩樹木猶復爾况見舊親知
爲韻是日與會者祝豫堂舍人王穀原舍人
周松岳孝廉周東阜編修謝金圃舍人汪厚
石孝廉姚蘆涇吉士家籜石鴻博九人予以
啓事未赴分得樹字

春風少拘束小會自成趣何況杯斝間相訂皆親
故分韻灑華賤流睇咏嘉樹徵懽心跡諧考業往
復互官文苦遮眼未踏城南路羨此荀陳交未應
德星聚庭柯發令質長日重陰護有舉還繼之眷
焉企良晤

恭和

御製仲春展謁

東陵啟蹕之作元韻

清明榆柳禁烟傳晨發晴攜七萃鞭雨露

橋山修典禮風光畿甸趁暄妍

文謨永紹承平日

武烈難忘締造年愼見僂聞思慕切

翠華東指日華邊

恭和

御製過通州浮橋卽景雜咏元韻

上

陵輦路赤城東潞瀟春流三水通水面蒼龍翹首
企黃雲一朶正當中

橋外春光接水光輕雲淦淦氣昌昌纔過寒食三
天後已見遊絲百尺長

滿貯天倉箇箇尖出陳有

詔待新添直將萬里長流水普潤班聯逮里閭時奉

旨豫支通倉數十萬斛供百官兩歲祿米京師米價頓平蓋異數也

睿情卽事有依因得句無心語更新春水便縈秋

水思溯洄南國憶詩人

元韻南客謂沈德潛也

恭和

御製見新耕者元韻

春犁土翻潤犁轉土沒趾二麥入眼新百穀勞力
始喚雨坐鳩婦銜泥來燕子去年巡南邦今年乃
見此年年侍從臣得仰

天顏喜

恭和

御製村田卽事元韻

省識東風最有情村田宜雨亦宜晴
轆轤高挂垂楊裏土脉初融趁好耕

疊石爲垣土蓋茨農家何慮更何思偶然一笑便
奢望也祝千斯與萬斯
秫稭編成護韭苗山田新墾望迢迢長官豈止追
呼緩還有門牌免雜徭

恭和

御製題翠雲山舍二首元韻

星連九子濶地結百盤幽靜與道相遇吟惟澹可
謀鏡深重幔卷泉落古琴流坐挹諸峰勝 幾餘
豁遠眸

拾級天台足猶餘太古風鹿馴依複澗虎避守三

峻松韻笙簧裏花香烟靄中攤書成獨坐嵐翠落
虛空

恭和

御製翠雲山房杏花盛開用鄧尉香雪海歌元韻
梅笑謂杏子非吾托根南北各稟初吾耶子耶可
兩忘莊生齊物良非誣紅紅白白呈色相春風應
候裁翦舒化工無心自點綴如珠脫蚌金躍模去
年今日駐南國梅花萬樹開徐紆今年今日迴東
蹕杏花含笑迎山途仙館挹翠枕澗壁村農望杏
歡相趨幾枝斜倚落日外千葩微暈小雨餘目所

適者爲佳耳一晌

天顧供春娛天台之足莫釐湖紅雲香雪致豈殊
不先不後逢今日怡情愜志均所需不隨他樹邀
俗賞靚妝弱質依扶疎一春端正守空谷肯以豔
冶損清孤坐覺品目空三吳坐覺品目空三吳臣
於杏也題潛夫

恭和

御製駐蹕靜寄山莊元韻

自昔仙人數往還新規

行殿啟重關分明一幅無心畫收拾千盤有骨山

吟罷滌襟成獨賞
政餘減從便幽攀
榻來展謁迴
清蹕興寄青松紅杏間

連朝攬勝應教住他日

巡農會再來林鳥也能隔花語
園門無不對山開
松聲落澗琮琤合樵路穿雲屈曲迴
素壁古香清
供外墨光添寫幾枝梅

恭和

御製得概軒元韻

肯教窟宅讓神仙
得此方知勝槩全
怪樹半從雲
際見遠嵐多入鏡
中懸嵌空石竇流清韻
澄霽琳

宮發妙妍 批覽封章時捲幔岩花迎暖見初然

恭和

御製少林寺元韻

暫駐花宮寫靜懷路從支徑得偏佳雲衣幡影空中悟鈴語迦音靜裏諧畱詠自從停翠蓋題名誰敢污丹崖

皇情祇爲能虛佇悟得清暉處處皆

恭和

御製春曉元韻

林秀尚依岩禽聲已喧谷殘月挂微暉晴牕延曉

淑泉脉流清音花香散餘馥
櫪馬思飛騰遊蜂自
追逐愛吟續新編出沐試春服
依然問夜心農功
籌已熟

恭和

御製天成寺元韻

逶迤複嶂與重泉萬壑松聲灑靜便
山水有緣皆
本性虛空無礙是真禪翠屏亂疊輕陰裏
素練高
懸落照前俛仰此中觀化始心遊太古獨超然

恭和

御製古中盤放歌元韻

乘籥雲盤之阻芝蓋童童

皇之所青溝亂石不可煮

皇攬轡兮爲少佇迴鸞舞鶴翱翔歸昌赤文綠檢
羲軒柏蒼雲英粲粲潤且芳檀波伊蒲瓔珞裝何
必空同遊乃叩廣成道不到中盤中那識中盤好
石如插笏樹懸嵬鳥語花香皆絕倒噫吁歎登古
盤思無極惟天聰明惟

聖則方行天下百神職呵護

法駕奉驅役用能不冒千萬億惟千萬億含生負
性莫不咸若而各得

扈從歸自北澗遵山徑行數里見有泉泓然
深處有亭廣可尋計松泉少師邀同小憩卽

次其韻

前輿肩且息馬搥腰間插我行卽緩步山徑不須
壓白鷺導我前泉勢如放牖臨流試一鑿弄水聊
半呷策策穿荇魚拍拍衝波鴨豈敢悅幽偏於以
避喧霄所偕苟同心何適有未洽翻笑隱淪輩招
尋枉筆劄亭檻坐忘疲橋道行仍狹對面諸芙蓉
可望不可狎綠水似畱賓上馬猶回盼作詩紀行
籤草草付箭筈

賜遊盤山恭紀

扈

蹕

橋山歸馬策向西指

行宮規田盤攬勝集衆美春山邀

宸賞花柳何旖旎未明卽求衣幾務各待理侵曉

閱封章批答馳萬里少焉徹尚食天房駕驟駟名

剡證重來流覽標大旨翠罕或穿雲回轡未移

晷樂山見本性得詩盈剡紙傳宣盥手讀賡和慚

鄙裡謂是當臥遊刻劃想像裏何期

名對間餘論及山水 曰盤當勝處面目靈鷲似
爾生靈鷲鄉爾曷不遊此今者風日佳暫假庶可
以出趨行幄中用敢白相揆同志五六人聞者各
歡喜上馬取道西瞥眼驚芳蘂誰栽仙人杏千樹
爛霞綺紅者紅於桃白者白於李馬前有鳴泉泉
側石齒齒俛首上石梯磴折竦岌巖有寺名天成
紺宇岩半倚其上小平處石壁堅如壘緣徑陟北
岡一步一殊軌或如馴象蹲或如圍棋纍或突而
欲墜或張而如哆蘭若結其間萬松護其址登樓
仰

御題海天同一視松濤無根源隨風自起止布席
在松下茗飲就石几嵌空安禪室如甌亦如雉欲
上足知疲中輟心仍企笑與山僧言願借住一紀
捆書一千卷讀竟出還仕題詩畱石罅萬松老居
士山僧爲我言去道或倍蕪盤中七十二幽絕畧
可比天畱此枯寂化人寔所委山廚無一物蔬菜
遠城市虎狼日磨牙食人如驂豕日落卽關門厥
患庶可弭昨聞

萬乘來曳尾各他徙秋官掌邦禁官在道可履守
道而廢官茫茫更何恃遭逢

堯舜君行與夔契擬豈學田疇輩槁項飫糠粃再
拜謝山僧我言寔戲耳扶童行不于低頭默自揣
須臾日將昃一抹暮烟紫雖有他勝處不敢復請
矣我昔持使節六渡灤河涘屢經盤山下相望尺
與只昔也對面失今也把臂始遇合有定分飲啄
惟所使要於緣慳時珍重慎一跬援筆記同遊各
各詳姓氏時同遊者師相阿公宗伯介公閣學鄒公銀臺薄公問卿介公編修張君中書
祝君少師汪公適以事未與其歲辰在申其日爲上巳

題盤山行宮門外雙杏五絕句

此日行宮倚作衙常時麤服稱山家居人云是百

年物老樹猶能著萬花

也許山容近玉除恰過寒食嫩晴初端莊婀娜仙人服看徧千林總不如

肯教桃李占春風雨綻霞蒸暈薄紅樹下最宜天仗馬鶯黃絲勒玉花驄

一枝天矯更蟠拏得地天然擁白沙開向中書省

中客故應題作紫薇花

東偏一枝開特盛閣部行帳直廬卽設其下

分付東風莫漫催好花未要盡情開明朝別爾當歸去散直斜陽立一回

香樹齋詩續集卷二

嘉興錢陳羣集齋

集金圃舍人新居同人步至法源寺看海棠
作

舍人移居百不顧
摒擋茗椀爲家務
已謀孺人出
斗酒更課赤脚製
寒具尋常下直便
關門門前略
掃看花路墻西古
剝唐家碑獨往摩
抄八九步上方海
棠百年物冷豔孤
芳托幽素未免多
情亦吐花似紅還
白姿仍嫵我昨力
疾晨啟事歸來長
須却在寓邀我看
花意更真曰今不
往日月除是時

宿雨晚乍收卽呼款段衝泥去到門詞客三五輩
欲行未行爲少住蹒跚攜手訪殘花花神應笑客
何屢四十年前曾醉此碧雞定惠多成遇而今花
老怕經春坐覺朱唇淡不語往者同遊無一存漢
南淒絕將軍樹舍人不管客方愁手勸深杯索題
句

尹元長使相有和畱松齋同年詩余亦賦二
首

四望牛車足散憂讓他杜斷與房謀偶思話舊開
三徑恰報朝天駐外郵露下晚荷香在水夜涼清

角月窺樓當年人物頭廳盛若箇如君得自由松齋

官院長元長官詹事余官學士同館友善今廿有餘年矣

民恬猶未敢消憂韓魏公題藥園詩吾心盡欲廊

廟江湖豈異謀難免多情惟舊雨那能無夢寄輕

郵黑頭裴相頻移節白髮山公獨凭樓韋曲他時

期後會酒痕詩本問緣由

題儲梅夫大鴻臚雲泉訪僧圖卽次原韻

偶隨行脚訪青蘿松徑穿雲坐石莎話到忘言不

歸去撚髭一笑夕陽過

玉聲落磧挂泉珠珠點華光似白榆收拾閒尋畱

印證山塘開士得知無

君是西園畫裏人清溪深處結依因不須更聽圓

通法已許芝瓢作後身

諸襄七編修以將離繡纓二詩索和

惜春未抵惜花心那便當筵惜一金滋潤曉粧多
汲井評量夜賞到橫參西施舞後肢微顫號國風
時酒亂斟記得揚州看似錦一重簾幙一重深
誰將鏡面著纖枯粉黛調勻澹澹鋪細數一花同
一蒂須知明月是明珠蜂當徧採疑無路蝶悞曾
來夢不蘇點綴醪醖兩三朶壁間重展趙昌圖

和高東軒使相七十自勵詩

應瑞身兼甫與申均調元氣見熙春功資保障能
平水性抱冲和本近仁此日河流歸砥柱他年藩
使仰天人平生最要醫民病治譜方多自壽民

又和人日原韻

江國香霏南北枝高情初動寫相思偶逢人日便
能賞不是歲寒然後知天地有心自來復利名不
著是希夷金山扈從聯吟後又和春來第一詩

題鄭鏡淳舍人春江曉渡圖

晴江波暖碧鱗鱗紅雨遊絲二月春酒上衣襟風

撲面當年我亦問津人

歐陽瑤崗侍御假歸衡山出耕養圖索題用

東坡郭熙秋山平遠韻

我方移疾乞賜環頤和遂養歸故山

昨拜 御製
五言古詩一

首寵行有予告
遂頤和之句

歐君示我耕養圖神飛色動青林

間同時去國君更遠行矣莫愁歲將晚湘江之北

石廩南家在深溪抱翠巘臨行拂拭簡上霜

文思天子正當陽朝無闕事三樂在陳情披瀝辭

明光願君愛此好風日有田可耕誤白髮我如老

犍不勝耕郭外半頃聞已石

題方問亭制府貯蘭圖

天挺生豪雋諸艱試必先寧親關路遠照字夜薪
燃軍旅枚臯筆菁華任昉箋奇謀工應敵碩畫善
籌邊上注膺初命同朝得大賢稍看騰驥足共喜
識鳶肩養晦三千鈞文章二百年清畿行省重浙
水使星懸康濟便宜事公侯造化權至今甌婺地
猶感再生天保障移三輔攀畱選一錢四方瞻節
制百物荷陶甄

聖澤周無外臣勤托永宣
巡方行慶屢車服受
恩偏帳殿趨承候賡揚禮遇全屏藩尊吉甫鴻雁

美周宣書法元和脚詩情大歷前偶於為政暇聊

寄寫生緣德行堪為佩芝蘭愛早傳張天錫云玩芝蘭則愛德

行之壯懷存疊石雅致咏溝泉韓魏公鎮定武製疊石溝泉詩八章

展卷親吾友歸裝正放船言懷兼話別惟以矢

戔

題宋太守清署讀書圖

往余客金閭會館太守宅讀書深柳處與君共晨

夕麗東尊甫靜溪太守從會稽罷歸築深柳讀書堂余會館於堂中回首四十年

居諸成一擲老大忝同官牛毛理繁曠君復作郡

去官齋對鳧繹規模仿雪堂公餘親六籍為政本

經術元氣扶本脉吏局同星移變換無暖席君方
佐郡符我暫歸鄉陌別君發新謠展圖憶舊跡由
來邴曼容毋過二千石

奉

詔回籍養病

陛辭日復荷

聖慈名見奏畢乞

賜詩寵行

上鑒而許焉免冠三叩起卽蒙

宣示一首詞旨諄復體恤備至敬和

元韻用誌感私

春風蘇百昌弱草自能作

詔許養痾歸申以還朝約托根近蓬瀛敬聽心早
諾澹足寡內營簡淨無外鑠

天聲一噓拂原筮應勿藥微生願少延長見昇平
樂

題汪松泉少師尊壺查夫人春庭桂竹圖

女則傳彤史夫人道可彰教成資婉婉德配屬圭
璋左女偏憐日秦樓正治粧姑嫜稱令婦井里誦
周行宰府徵謚紀庭闈委豆觴豈惟溫清適要使

壽年長太史占初筮家人理薄裝儻居來對宇履
道本同坊曾記山妻白今來隣並良稍公東堂火
或乞學車糧女長尊爲範兒啼倚作孀歷女登顯
要壹志在匡襄昔美居貧善今欽處貴臧治蠶治
膳服急難必扶將行有秋霜潔心同春日光相夫
爲

帝佐教子列星郎翟茀紛連拜牛衣志不忘畫師
傳懿質揆相序含章蘭玉階前茁孫曾膝下芳題
詩表南國庶使禮宗揚

題秦復山孝廉秋山讀杜圖

楓林紅葉襲衣裾坐覺秋山薦爽初萬卷破時行
萬里爾方下筆更何如

養痾有詔賦歸歟一舸秋風返敝廬我亦許身同
稷契而今頭白不知愚

題李太常坐樹深談圖

幽人自忘機相遇得清晤不須布席談便上交柯
樹坦懷或避塵閑情或搜句旣無分外嬰亦寡世
間慕爲問簪裾人誰能領斯趣

題載鶴圖

長鳴引吭音清勁山人托此以爲命不須赤腳與

長須相呼相伴堪使令高旻空濶秋正深秋江如
練明於鏡此時同泛寄孤遣扁舟獨往始此榜人
生如此天地寬縱有繁華那能更

題蘆雁圖

畫柳見柳還帶烟畫禽貼水忽戾天天空烟散澹
無際寒蘆瑟瑟秋娟娟孟端已老誰辨此李侯仿
之筆可傳我欲柳塘坐垂釣爲我添寫漁師船

輓邵庶常亶承

補錄

銀燭燒殘古戰場肯憎命達是文章誰知衡鑒堂
中賞種得今朝淚數行

記得過從午正餘當堦紅藥暑風初分明二豎工
肱篋早歛人間手握璣

仙樂喧迎紫鳳車樓頭作賦倩誰誇由來天上多
稱少人世安能聚一家

性情冲澹比中泠胸次何曾著世名仁壽從今疑
信半如君靜者不長生

宋百家詩存題詞

并序

詩學莫盛於唐自唐以後宋元明代有名
人雲蒸霞蔚各標旨趣者千門萬戶不可
紀極顧唐詩傳世者稱獨備焉良由當時

已有唐人自選唐詩不下十數種逮

本朝

聖祖仁皇帝欽定全唐詩出尤爲詳備正如十五
國風首列二南不遺曹鄴三唐總持永爲
圭臬元詩則有秀野顧氏選本明詩則有
牧齋錢氏竹垞朱氏選本雖中多滲漏猶
得爲操觚家取裁

御選宋詩卷帙較全唐爲減而姓氏多至于餘人
蓋四百年中無美不收洋洋大觀矣里人
曹庭棟取潘訥叔吳孟舉未成之鈔本補

其闕略列爲百家如廬陵歐陽氏眉山蘇氏宛陵梅氏半山王氏山谷黃氏具茨晁氏紫陽朱氏放翁陸氏輩世稱名家及有專集入諸家選本者均不複載余購而閱之又復考其世次凡諸家本傳及見於稗史者間亦摭入仿明張溥作漢魏百三名家題詞體例得絕句一百首

鐵面麤豪度曲才慶湖湖畔老方回最憐梅子黃時雨零落秦淮舊酒杯

賀鑄慶湖集

月中兔影識先幾著作誰能起白衣惟有華山韓

見素不將巾幘傲柴扉

魏野東觀集

千金豪士不書名一命叅軍敝屣輕剛介誰當川

末俗至今人說穆天平

穆脩穆叅軍集

錦亭藥市苦吟身一卷人間比片鱗爵里思賢三

十八史才將略屬何人

宋祁景文詩集

自輯詩篇署伐檀十年佐郡累猪肝簿書筍束投

閒去從事從今不素餐

黃庶伐檀集

一自歐陽折柬來集賢門下席多迴撐腸文字三

千卷換得新橙五十枚

劉敞公是集

手錄遺編重一時無心得句益多奇眉山兄弟文

章伯能頌先生借宅詩

陳洎陳副使集

元祐碑中第一人多情蔡相認偏真石工不肯鑄

名字爭說安民是亂民

司馬光傳家集

平生頰首天人業愛讀燕川渡口詩九十耆英秋

會上香粳絲蟻膾紅絲

文彥博文潞公集

九日蓮花醉幾場元豐詞客次公狂容臺風月瞿

曇面璽節袈裟兩不妨

楊傑無爲集

鄱陽經義有根原風裁真堪作狀元語默不隨流

俗轉治平十事是知言

彭汝礪鄱陽集

翻手作雲覆手雨論交晚近態何窮聞說元豐老

居士平生十友錦囊中

李昭玘樂靜居士集

胸中瑩澈比琉璃書記歸來學種畦惟有平生風

義在草成遺表泛姑溪

李之儀姑溪集

銀漢昭回太白精詩聲直與政聲清醉吟菴裏秋

時節壁上琅玕舞月明

郭祥正青山集

清商寫怨太分明其奈君侯未會情一笑緡身與

禪悅至今襄漢有遺聲

饒節倚松老人集

一炷廬陵安在哉賦成大禮獻蓬萊後生倘要醫

庸腐抄取龍雲詩卷來

劉夙龍雲集

詩篇蘇陸爲年輩理學游揚作後塵一自中書重

被命相門清議屬斯人

呂本中紫薇集

千年遺籍出丹扉評隲終歸呂紫薇躍馬飛猿詩

句在令人猶憶謝元暉

謝邁竹友集

宦味經年亦澹如詩情冷豔比芙蓉靈泉山下逢

寒食可笑微官也謫居

楊甲棣華館小集

軒名蠓殼小於龕鴻玉龜駒詢美譚庾信未歸王

粲老江湖落拓一龍潭

洪炎西渡詩集

紹興私議孰能攻鯁直天生與檜逢二十年中憂

國淚却於身後悟高宗

李彌遜竹谿集

兩宮倉卒竟蒙塵間道馳歸御札真航海無人曹

沫老開元殿裏說和親

曹勛松隱集

亂離到處便爲家山色勾人是永嘉砭俗有詩還

自喜略無一語及梅花

王琮雅林小蒙

兵燹聊存一卷詩雁門失節擁元師傳聞州將迎

降日正是州官鼯臥時

姚孝錫醉軒集

宰相門楣不可爲濟源氣節是男兒惟將一死酬

成命下拜何曾屈翰離

傅察傅忠肅集

上舍聲華衆所推晚年再起拜經師何曾舉筆忘

規諫進講國風第一詩

張綱華陽集

烏臺風月愛清閑解職還山鬢未頒方寸一生尋

樂地得來語不自人間

劉一止苔溪集

一時太學仰風儀孝子廬中產異芝千載莊生譚

劍後併欄花下十章詩

鄧肅併欄集

擯斥歸來墊角巾廬中結社一詩人剡溪山色堪

娛晚何必桃源始避秦

王銓雪溪集

坐擁年豐海熟時紅泉繼席衆中師子孫併益何

曾守贏得月魚三卷詩

林亦之網山月魚集

六十平頭點大羅歸來秩滿寄烟蘿月明絃索秋

江上試按宣城白苧歌

周少隱太倉稊米集

人說長官真長者富陽豪猾不知名兒年脫口多

奇句曾向滹沱渡漢兵

程秘洛水集

不廢吟詩爲政日冷然風骨謝癡肥月明最愛垂

虹句只照漁溪一舸歸

俞桂漁溪詩藁

絕似盧仝被賊欺長鬚求判拙言詞牙緋縣宰通
衢榜那得風流韓退之

陳藻樂軒集

田園已作浮家計經籍猶傳吏部文遊倦千金不

知老何須竹帛更書勳

葛立方歸愚集

傳得龜山一盞燈立朝風裁自稜稜無功鄉裏安

居客詩卷他年屬友朋

陳淵默堂集

伏闕陳言亦壯哉斷腸飛燕似寒灰無端歌哭空

山裏爲記當年往事來

柴望秋堂遺藁

大羅天上親裁定先友平生種宿嫌未免被他時

相笑顏書杜句一身兼

張孝祥于湖集

游揚張范足師資誰唱劉郎芳草詩秋士月明齊

下淚美人千里寄相思

劉翰小山集

十年吏隱臥烟蘿自署鉛刀未可磨剩有遺文三

十卷由來名士濟南多

周孚蠹齋鉛刀編

監佐麤官未療貧士傳三策見精神由來古拙遺

時好自喜平生有故人

張良臣雪窗小藁

江湖滿地求張儉士論多君壁上題晚歲功名薄

如紙議郎潦倒華州西

敖陶孫臞翁集

臨漳臺迥橫經日真率人來入會時一卷雞林詩

話在却如爬癢得清怡

危稹異齋小集

西江派裏詩中俠宰相堂前座上豪可惜平生恢
復計官家瑱耳等鴻毛

劉過龍洲道人集

耽隱真同處士逋梅花深裏著潛夫青樓秋夜無
多句百鍊精金九曲珠

鄒登龍梅屋吟藁

遊倦歸來只掩關登樓身到斗牛間平生周伯稱
知己欲問遷除偶出山

劉仙倫招山小集

上書未副同朝議至竟投閒到石城一卷皇芻傳

世業偶從淳祐採詩評

鄧林皇華曲

和靖風流是我師草堂猶勝少陵詩江湖舊侶如

相問官職新題老住持

葉茵順適堂吟藁

結友平生劉與辛將門忠義有扶輪千秋燈火誰

當續我亦金陀坊裏人

岳珂玉楮集

野谷何曾是武人古琴名帖自隨身東坡墨寶子

雲畫筦權歸囊也不貧

趙汝燧野谷詩集

昔遊如夢半蹉跎新拜頭銜石不磨雅樂何妨遭

繳駁清詞自倚小紅歌

姜夔白石道人集

作令龍尋道不孤詩篇零落在江湖不知瘴海枕

椰路喚得涪翁起也無

朱繼芳靜佳詩藁

休市思歸春社後帶沙飯進晚衙時人間烟火何

曾著不學神仙只學詩

趙崇錡鷗渚微吟

曾禱梅山事竟符殿前官屬職偏麤平生脫口多

豪縱氣節真堪厲懦夫

華岳翠微南征錄

遊倦歸來剩錦囊苦吟一字費平章有時得意秋

江上賈佛前身是瓣香

張弋秋江烟草

求劍功名遲暮心閑中歲月感沉吟荒門采藥拚

遺世人在江湖集裏尋

葛起耕檜庭吟藁

推官篤行亦堪師政事文章况並垂邑子小胥多

解釋一時能誦百篇詩

呂聲之沃州雁山吟

句法冬郎孰後先寫情段句更纏綿自從蝕得相

思字脉望何曾許學仙

何應龍橘潭詩藁

黃巖餘事作詩人卽拜當年奉詔新儉節一生惟

白勵葱根麥飯便畱賓

杜範杜清獻集

相公橋外柳沉沉彈事欄遮深復深深嘉定詩人方

弛禁江湖倚作定南鍼

陳起芸居乙藁

數椽遯跡寄烟蘿野士襟懷托短歌晚得浣花真

面目始知別裁是餘波

陳必復山居存藁

宦興吟懷付酒杯方泉自署亦悠哉何堪獨立郎

當嶺山鳥山花弔辯才

周文璞方泉集

伏闕上書終不報歸來掃迹攬溪山惟餘一點憂

時念要濟官家父子間

汪莘方壺存稿

峭語清寒字字奇高僧骨格鶴丰姿可憐情緒無

聊甚叉手孤吟弔蝶詩

張至龍雪林刪餘

龕赭潮平江雨暮庾樓月白楚船春從來不肯下

人處只合狂歌泣鬼神

周弼端平集

著筆從來洗脂肥晚年娛老辦田衣幾曾足跡趨

城府更有何人識少微

沈說庸齋小集

詩與秋潭堪比潔人如白璧本無瑕烏州受學翁

州序伯厚居然子克家

黃大受露香拾藁

餘生已分老山阿瑣屑功勳那足科始信騎牛還

未穩暄風晴日本無多

姚鏞雪蓬詩藁

故人作吏新安去賓席魚甘久未移每到溪橋穿

竹徑幾回俛首詠梅詩

陳鑿之東齋小集

名士長安尊酒同蓬瀛有路未曾通晚來縱守山

林分幽夢何妨踏輦紅

胡仲參竹莊小藁

避地梅川隱釣緝長官閑雅愛畱賓如何文酒絲

絃夕多作流離奔走人

利登骸藁

由來不嫁惜娉婷俛首平生戴石屏斐疊風情深

遠意動人真可筆丹青

武衍迴安藏拙餘藁

宦情野水孤舟裏詩意市橋明月邊
暇日偶然搜故篋庾臺書記致幽偏

施樞芸隱詩藁

閑愛著書多歲月清卿風度亦佳哉
何須手版還丞相始得紅泉正講來

林希逸竹溪詩集

林逋一鶴雲烟裏葛老雙姝夢幻間
風骨冷然詩卷在隱居無處問松關

葛天民無懷小集

寶慶詩人汴水多江湖衍派此餘波
已抄深穩湖中曲更數瓌妍天屋歌

趙希櫟抱拙小藁

晚從老杜得神鍼簪組何曾廢
苦吟誰洗江湖綸

賦習吾於粲也獨傾心

嚴粲華谷集

異代詩人庾信宅同宗高士薛能園漉醇貼樹臨

池外餘事還看變八門

薛師石瓜廬集

寸鱗終入采詩家韜晦誰能掩物華讀罷山中吟

七首果然犀壁混泥沙

毛珣吾竹小藁

累舉難邀一第恩晚年談易悟天根一銖香與千

機錦稱許平生有後村

羅與之雪坡小藁

不知世上聲華事自愛山中草木年聞說永嘉春

漲後漁村風月尚依然

薛嵎雲泉詩集

一枝紅杏出墻句婦稚都能脫口吟似桂當風蘭

著露平生梅屋是知音 葉紹翁靖逸小藁

浮玉山人共酒杯當時風月屬容臺清詞百首名

相列猶見元和格調來 張蘊斗野支藁

家居半郭半村裏興寄詩瓢酒盞邊魏野林逋雲

散後風流竹所有真傳 林尚仁端隱吟藁

廣平堂裏寄春思海外閒情散遠襟相對梅花無

愧色別來庾嶺十年心 張道洽寔齋詠梅集

蘇白餘波孰問津梅花自領一溪春四時宮怨標

新調壓倒長門作賦人 許斐梅屋集

紫霞天上叩金鋪偉遠明期盡可呼一笑翻身落

塵世高歌白眼歎烏烏

樂雷發雪磯叢稿

門第金華數五高吾于仲也獨稱豪少陵爐冶無

停籥四百年來首重搔

杜旃癖齋小集

宦轍中原有治名能詩而外復知兵犒師牛酒張

清讌明月笙歌浸百城

李曾伯可齋詩藁

率意忘言致不羈一官落拓豈辭卑莫釐河外垂

虹路正是尋詩得月時

朱南杰學吟

鹿頭船子作浮家酒債詩逋置齒牙俸薄官閑聊

白遣瓦壺茅屋插梅花

徐集孫竹所吟稿

無絃琴與有聲畫白嶽松蘿魏野居一首宮詞一

行墨幾回吟罷賞瓊琚

楊公遠野趣有聲畫

軍中劫質自全身晚節林泉號散人
翻笑當年許叔重一生膽落爲黃巾

俞德隣佩韋齋集

令僕座中推上客吳淞江畔作閑人
晚年最愛陶

彭澤自養山中木石身

陳允平西麓詩藁

詩情潤適澹於菊人品蕭疎清若秋
靡先生後無知己淚落傷春不可收

吳惟信菊潭詩集

紅梨秘閣官書輟擲筆歸來只閉門
一樹梅花一

樓月破瓊獨擁得奇溫

吳龍翰古梅吟藁

痛哭不知天地老狂吟自遣古今愁
問津莫笑漁

人悞水盡桃源無盡頭

王鎡月洞吟

一門孝義傳三世詩卷飄零亦自豪避地歸來當

日暮錢塘江上賦胥濤

羅公升滄洲集

格調陳黃稱入室曾攜雙屐住開元柳塘詩卷東

籬菊要與淵明作子孫

僧道燦柳塘外集

水竹山居枕上方詩無禪習得真香古琴一曲無

人識白面猿來坐石床

僧斯植采芝集

題陳濂村侍御青齊旅跡圖

蓋公堂外書千卷擇勝亭邊酒一尊最是多情雙
馬耳晴時小立便當門

抱疾出都潞河登舟用謝惠連秋懷韻

初覺煩慮清便忘疾疾患撫序秋正深驚時歲將

晏俄看雷霆過

登舟後雷雨大作

仰瞻雲霞爛無心警晨

雞有意侶寒雁涼飈輕襲裾新月忽窺幔啟塗信
云首言旋直如半未問季主卜豈邀隸首算平生
感瞿瞿雖休毋敢慢恐辜

眷舊恩忍怠垂成宦觀往起遐思知來自深玩憂
至時讀書興發一遣翰近牕層網施傍楫葭莖亂
菱芰念未申耿耿坐待旦抱迹義取韜執德理終
煥誰無依戀情豈興遲暮歎生還倘可期卮酒名

親串

重陽前一日泊舟楊柳青村名率諸子步至宋上

舍齋頭小憩次誠兒韻并以示勗

舟行纔十日且喜當浮家排悶碁爲藥安貧飯帶
沙柳村聽喚犢蓼渚看撈鰕整幘勞人問支筇趁
日斜未須卯後酒試點雨前茶愛客供寒具呼童
檢畫叉晚花初拂水殘墨亂塗鴉行樂隨心賞薄
遊感鬢華思鄉終得到去國已嫌賒汝志珍初旭
予情托晚霞一衣思必敝半食要防奢莫以隨南
棹而忘返北車時誠兒奉旨隨歸

舟過青縣用吳天章山人青縣題壁韻

山人出山曾此來黃雞紫蠅顏一開我今歸舟從此去西風瑟瑟催裝絮故園荒徑復何如昨夜夢接山中書我本無心學張翰笑將華組換鱸魚

喜聞從孫載南宮捷音卽次誠兒韻

琢成楮葉廿年遲著論韓公伸紙時今年欽命題卽廿年前

載中副車題也與退之不貳過論題相類朶殿爭看和氏璧瓊筵笑插

菊花枝雲邊獨鳥終先到澗底寒松受晚知華國文章從此大二廳風月屬經師

經學鴻詞舉核真羣公一日薦書頻詩篇早識歸

宗匠姓氏曾將達

聖人門下同官修後進

兒子汝誠蔣庶常櫛皆受業門下今先入翰林

月

中通籍悟前身病夫自分還家塾舊學商量話苦

辛

南皮懷古

從軍且高會才子奉清譽筆劄亂離後絲絃憂患

餘有情敦白馬無術悟黃初寥廓吾終蹈行將問

太虛

山人山南會北...

...

香樹齋詩續集卷三

嘉興錢陳羣集齋

木門行

感舊記遊兼示學海書院諸生

昔者韓退之嘲謔師命劉越州遊汗漫一笑三年
畱少海之津析木尾七十二沽春漲水當年下第
歸不得殘書一束曾遊此遊人踏春油壁車東風
吹入五侯家販糖賣餅人不識尋詩獨步手頻叉
偶然月下投古寺中有幽人
東溟山人龍震所著有玉紅草堂詩坐
席地爲我進酒發清吹讀我新詩忽垂淚自言七
十無妻兒出門帶索雙鬢絲高歌不知白日暮鼓

琴一寫牧犢悲高麗流寓抗浪人

麓村安氏善古詩鑒賞古蹟不

爽毫髮傾家收藏項氏梁氏卞氏所珍頗爲當代所推重

姿顏自足多精神平

生然諾重意氣米家書畫陶家賓三人相視成莫

逆闕市會規子雲宅一朝別去走京師射策東堂

便通籍五年秉節會重來駿馬多市黃金臺舊遊

先後各雲散公餘歎逝聊悲哀量才有命提玉尺

去取何曾輕假借

資昔切

爲問新來絳帳人卽是當

年蓬戶客津人從此知讀書富商子弟爭鳧趨翩

翩裘馬各棄去魚魚雅雅尊羣儒轉移風俗時代

有退之曾作潮州守近畿文物本麟彬自笑千金

同傲帝秋帆昨日賦歸歟特敞蓬窗指舊廬回思
四十年中事消得滄洲酒一壺

瀛海舟次寄懷邊徵君

連寶

劉太守

炳

戈編

修

岱

李編修

中簡

邊檢討

繼祖

戈庶常

濤

紀

孝廉

昫七子皆河間郡人

七載衡文地星旌指近畿非予樹桃李此郡本芳

菲諸子驤

皇路邊生隱少微偶然成出處終見

受恩暉

聖主憐衰病勞人暫息歸一從叨祖席且自賦初
衣鏡識吟詩瘦心知得道肥有時成獨賞握手已

先違大雅誰當繼由來見者希相期各努力聊以
荅依依

陳筠圃司馬將之聊攝溧陽海昌兩相國邀
余及諸君餞於敝齋酒半歌發極鼓吹之娛
富春宗伯卽席取紙筆圖之今八年矣予抱
疾歸里舟過清源筠圃以秉權來舟次話舊
漫題一絕兼寄史陳兩相國

八年夢續黃花會一夕風吹紫氣來寄語憐才薇
省客須知吏局有清才

孚尹秉權清源從閩航購得佛手柑盛以盆

益實磊砢特甚適余舟過清源病少差夜訪
孚尹取以侑酒余愛之卽攜以贈

兒子汝誠

用東坡玉盤盃韻題之卽次二首

餉來却值晚晴餘氣味侵衣乍有無老去逃禪叅
一指客邊侑酒進三盃隨風北上偏中阻伴我南
歸莫改圖點入貢芽香色好雲腴霧縠玉肌膚
證得南來意可知南車再錫更何疑獨流古韻親
杯茗要養清芬壓鼎爨示疾我方勞一診撚髭或
可助新詩櫓前伸手如相訝笑指菊花開幾枝

壬申冬孟舟過任城觀察抑堂史君飯我於

南池得瞻杜文貞遺像卽事一首

西風吹歸船著我南池下
衰柳無鳴蟬淺水堪洗
馬少陵東遊日遶羽振大雅平生丁詩窮遂不辭
輶軻誰知千載後宗祏此尊社風義入人深相感
不能捨簿公一何幸竟與同龕坐騷壇歸總持驥
尾附香火予昔曾來遊期許亦頗頗遭逢

明聖君出入依青瑣慚無補衰才庶幾拾遺可乞
身非懷安腹疾方成瘕故人重憐惜延我寄瀟灑

賓從列兒孫

時大兒汝誠奉
四兒汝隨五兒汝

旨隨侍次兒汝恭
豐孫端皆在坐任

人羨

盤盂雜肴果夜涼復清眺
星爛雲氣赭扶藜

且別去檣燈燭已施

南池東偏百餘步有樓踞城闔歸然而起者
相傳爲太白樓云是賀監與謫仙飲酒處也

因題一首兼寄朝右所知

季真具慧眼識此謫仙人靈宮握手日遂解金龜
紉白也感知已平生重離羣身歿且如此何況相
主賓薄遊滯齊魯一笑逢令君登樓邈遠睇意氣
凌層雲踪跡忽散去歸臥鑑湖濱長安鞞鼓動臺
沼非榮身遷客走夜郎有眉不得信對酒便相憶
能勿愴吾神

用李詩意

予亦負倫鑒大雅爲扶輪往往

辱賞識後先持衡釣卽今以病免所喜

主德醇雖無一曲勝而見四海均古今不相及古語信有云溯往悲其遇舉盃問高旻

抑堂觀察葺新亭於署後次韻題之并以志

勉

靜涵虛白自呈明眼界何妨萬象生施敵千鈞堪
挽弩識堅衆志可成城偶然得月呼爲友且喜題
詩一寄情鴻爪雪泥他日事有杯在手會須傾

捕蝗謠

早蝗不育溢不飛蠃生之地庶草滋元和拾遺樂

府詞何乃推原蠱蠹爲若使人力竟不用翼蠹成
法安所施貞觀天子仰天吞蝗不爲害感一言若
使盡煩人主慮長民者誰竟坐觀何如我

皇舉王政詔書切責嚴功令不早不溢復苦蝗天
事要以人事勝百爾孰敢不敬聽

古稱良吏政驅蝗書之史冊何煌煌奈何流弊壑
隣國驅之出境有喜色王者分土不分民縱免彈
覈能勿慝捕蝗捕蝗要齊力

官不力法之科吏不力官所訶民不力將奈何赤
日長飢汗如雨波翻狂叫鳴鈔鑼東田未盡西田

多不如捕蝗一斗易斗粟長官何事煩敲扑出粟
不多蝗捕盡秋書大熟登嘉穀

子十八日而成蠅又十八日翻兩翅蠅方子時穴
於地以穴求之乃空寄彼蝗何物而善僞早營疑
穴以爲備其所穴者復自秘覆以敗葉俾勿伺是
與狡兔三窟更何異終焉炎火速秉畀可笑魏武
稱人豪疑冢纍纍七十二奸雄末路劇可憐區區
僅學彼蝗智

舟經瓜步孔麗九司馬招遊吳氏錦春園

園爲

御賜名

用少陵發秦州韻

主人敬愛客夙與名園謀高鴻落雲表知我下揚
州時節忽歲晏豈止驚徂秋食單進甘脆杖履尋
偏幽陟閣揖遠翠循檐俛平疇諧曠若爲契領異
非緣求任往竟忘客坐虛翻疑舟憶昨忝扈從於
此陪

宸遊氣和草木暢景淑士女稠詎以文物盛而弛
生民憂

皇情偶相愜萬象森可收昔歌音遂矢

辛未四月
扈從來遊

今來跡少畱命札枉鄉曲曰余滯江頭嘉會與時
邁盛年逐波流明發一分手暮色蒼烟浮相思各

香齋集卷三
六
千里茲意終悠悠

予假還里上塚後卽趨鹽官瞻拜 先奉常祠堂

畱宿益翁姪齋頭次見貽原韻

懸車白傅欠三年

余今年六十有七

對酒何妨便學仙廣

受同時吾已後林泉尚齒爾應先生還故里餘荒
徑扶拜家祠有舊椽慚長慚卿公論在惟將清白
任人傳

瓜田遺素心臘梅一枝賦謝

元祐傳花籍一枝寄好音團圞依蜜蒂珍重結檀
心偏許幽人折來供居士吟東風料峭甚相對坐

春陰

歲暮至鹽官畱益翁從姪齋頭三日極酬倡
之雅入春後復得元日見懷詩卽次原韻爲

答

守歲訪阿咸情話敘所歷高柯本同根奕葉承餘
澤後先各許身中外皆陳力引疾鑿止水抱素愜
虛室夢去猶自疑歸來還似客踐諾遂夙期傾襟
托永夕禮數任疎簡壺觴便狼籍啟橐存疏金息
肩暖孔席時康無弋加衷坦謝蠡螯猿鶴躡先導
騷駢鞞初釋筮言占大同交照成莫逆居諸回赴

不
卷之三
名三
壑硜執况轉石慚予望通人倚爾爲將伯所希葆
其真豈忍曠安宅翼彼大路遵緼以朱絲直揚風
感性情企道扶衰白悠悠時一遭忽忽如有懌對
雪憶梅花題詩寄元日自非遺俗嬰何由寫心得
旣慰千里懷仍苦六時隔我心如春流環環互絡
繹家風願共持庶使囂凌熄

癸酉元旦率

誠兒

朝正天寧寺紀事一首

生還且喜作閑人列炬朝正拱

紫宸玉筍漫誇原有種金魚好在自隨身班行丹
禁違鵝鷺香燭靈宮領縉紳此日趨扶同拜跪他

年盛事揖芳塵

送誠兒還朝用益翁韻

人生別離自相躡擬之身影同非同偶然移步影
卽換日有升昃與方中作詩紀別費鐫鏤正如伶
倫感鳳截取嶰谷筒我昔別母返金闕忽啼忽笑
如迷濛雍正四年余奉太夫人南歸假滿還京正東風花時也今朝見爾還
朝去落帆亭外仍東風竚立不語但嗚咽親知勸
我扶歸筇願爾速飛莫淹滯伴爾日有天邊鴻報
主惟將一寸縷精勤到處神明通子舍遙瞻白雲
白直廬正翻紅藥紅功名及早趁朝景膝前兒女

催成翁

輓馮愚堂明府

感逝題蒿里風前老淚垂
柳旂春水曲丹旄錦江
移辛苦雙婺女嬌癡孤
露兒惟餘邛笮外社鼓拜
威儀

四婦詞

予承祖澤代有清德少賤貧餬口四方所
與遊皆知名士行年三十有六甫通籍官
翰林洊歷卿貳弟界由大令報最任州牧
恪守家訓幸免隕越先是予連舉子未立

相者云子年四十後當有丈夫子六七已而果然歲壬申予六十七以病假歸

天子禮遇優渥

賜詩寵行居無何疾少已爲第四子

汝隨

取婦時

大兒

汝誠

奉

恩命率婦隨侍次兒

汝恭

下第亦侍側設宴于寢

門中雷一室怡怡自主婦以下咸式訓焉

貧而好禮不自知其貧也易通家人睽必

始于婦人爲詞勉之並載氏族以勗來者

大婦京兆相國妹阿翁官二千石結褵五載爲翰

林妻膳服疎戚各適宜侍姑具命服仰觀

聖母拜賜緋衣仲婦吳興著姓沈氏幼嫻女則說
禮敦詩織紉課蠶頗厭華綺三婦曲陽妹女母訓
是式閨中失偶翦髮誓天曰寔惟我特四婦瑯琊
大司農孫最小偏憐嫁有日矣跽請於母願受先
人田毋治奩具翁家故貧或少飲粥饘合卷後三
日常服勸經泣焉流涕願郎折節讀書隨諸兄肩
於是諸姑伯姊見者咸額手稱諸婦賢主婦勅中
廚膾鯉庶鼈舉觴率諸婦上壽予則受之曰願諸
子諸婦毋忘今日乃飲斯酒

題薌林相公望雲歸櫂圖

舊學尊黃閣

新恩上白華遇隆深有契道合重無加

天筆光珠斗斑衣煥彩霞笑余方蹙蹙江路導南

車

陳羣時奉
相公風帆南
指遇于淮上

鼇禁傳家學人文聚德門豈因台輔貴而忍缺晨

昏密勿仍千里希夷感一言用陳
搏事脂斑仙圃採雲

七侑清殮

送鵠雲弟謁選北上

白晷吾家秀家風凜素絲魚鬚傳笏在雁齒喜肩

隨上谷趨庭早銅符佐邑遲前賢有名訓仕學要
相資

謁范大夫祠堂

吾郡此祠古城南枕一隅飄零辭故土指顧定全
吳麥飯薺流几靈旗風滿湖千秋宗裔在托迹類

陶朱

范文正復姓表有托迹偶類夫陶朱之句

荅沈丈長谿

補錄

秋風初挂席揮手別江干白髮存知己青雲達遠
翰短籬添晚菊隙地藝芳蘭雙屐逢僧話悠然得

古歡

覺羅八姑輓歌

別駕胡君

天昇

從武林歸詣予攜貞女八

姑墓誌銘泊八姑所遺雜記一冊示余且

曰公文筆負天下重望

天昇

承乏公里願

勿吝一言使淑孝流傳于世可乎予讀而

敬之曰文望末耳當我世而有賢媛如姑

者忍嘿嘿不形於聲詩必非人情微子請

吾亟蘸墨爲之乃作歌如左天下女子讀

之知守身以自淑爲女德首範云

蘭生空谷何揚揚不採而佩蘭自芳天潢有女比

潔秋霜襁褓遭失手隋地肢體傷及長誓勿字願
 侍父母守宗祊女則諸籍靡不通叶三年泣血居
 父喪戚黨重之厥孝彰隨兄奉母來葺鄉鉛華早
 屏禮則防事上馭下咸有方溫恭淑慎化不爭叶
 天年不永德不爽叶素言出笥傳賢明叶八姑非
 男子移彼淑孝可作忠叶八姑不為婦婦道懿矣
 集厥成叶天下女子讀其遺書莫不斂衽而拜願
 姑行在其身叶

示海齡姪孫

汝父年未齠哀哀啼而孤王母

弟婦任安人

甚節孝抱

子以奉姑厥後我祿養迎母指

皇塗

弟峰歿後三年余始通籍官翰林太夫人率弟婦及姪汝鼎就養京師

汝父隨

母氏坐侍行則扶惟時太夫人撫孫比作秩我體

慈母意衣食如一家汝父倚顧復何異父母且

汝父幼孱弱結襪繫履絢稍長識文字事母荅勤

劬我憐弟脆促清才立年殞愛弟而愛姪其義同

推烏

國恩有錫類冠帶肅魚魚

雍正十三年姪汝鼎以恩廕

入監肄業

我子亦林秀經業各蓄畬遭逢

明盛日橐

筆典石渠我年過耳順衰白形神癯

優詔歸里閤拮据攜諸雛汝列孫行拜頭角清且

都美玉在追琢良木歸匠輿今汝年十二策策勗
汝初燈火可繼晷爲汝舉一隅要令節母見見汝
成名儒

臣陳羣於孟春十六日拜奉

御製賜和詩恭讀之下中心感激不知所云適領

到

賜三希堂法帖內有宋臣蔡襄謝賜御書七言古

詩蘇軾稱爲宋朝法書第一者臣自慚淺陋

遠遜古人而鳴感紀

恩波瀾莫二輒用其韻敬抒犬馬依戀之忱稍申

葵藿向榮之義云爾

東風薄寒怯侵晨檐梅忽感韶華新斗杓十日占
南指

宸章射斗光奎文蓬門枕隍苦湫庠是日屋角連
祥雲天道下濟發生意玉振自鑿土在真衢歌會
博

宣聖和繩樞頓忘原憲貧直將雨露起衰白肯使
孤賤遺臣隣法兼李杜炳藝府朗如日月懸高旻
恭摹貞珉壽奕禩仰窺腕力廻千鈞遇深自幸生
隆邛

恩重內度慚經綸憐才

盛心自千古鼓勵儒行攄席珍鐫鏤惟知肝腎在

依戀豈以逖邇分側聞

元音初布獲禁中勅和傳廷紳

壬申嘉平御製
詩成命內廷諸臣

同
賡敬翻

賜帖步往躅願附驥尾非無因私慶遭逢邁前哲

萬年有道明聖君

贈馬甥宁青兼題幘首

第五扶風雋飄然樂事賒能詩真似舅敦行善承
家藥物頻勞贈殷勤致可嘉要令起衰白餉酒復

移花

落拓猶自喜春流到面前一編時在手喬木况叅
天晚近存風古親知數汝賢願教腹笥富長此抱
棗棗

穆齋符君任秀水二載政善民安以報銷雜
件稍遲致干例議大吏知其賢得上注赴

闕瀕行部民思慕不已時

陳羣

養痾在籍採輿人

之公論當繞朝之贈策作詩送之次鴻博張

兄原韻

朔風號寒林肅肅征鴻度翱翔隱雲表嚙嚙音如

訴端居稔輿情多惜長官去長官來二載無喜亦
無怒因何慙拂衣云坐官文悞捍綱思逞顏嘉植
失煦姬胥隸工舞文象魏重懲故但飽谿壑謀肯
爲民社慮由來閭塞衷矜知終難悟公道存上游
裁牘急相舉社鼠多憑陵已疚當在預衰齡重分
手何況別廚顧恢哉邁澄清早識驂駟路他時竹
馬迎重席花間布

附原作

張庚

翔雲趁長風縹緲凌空度執手向河干離悰悵
難訴下車未二載何遂拂衣去旣非爲吏愆又

豈上官怒細豐忽洪坼徒以豎胥悞驚歎徧羣
黎含淒到童姬雅懷曠無繫一笑辭親故天意
本淵微寧容出恒慮失馬徵前徽倚伏明者悟
聖朝急仁賢寸長猶得舉矧茲素履貞循聲茂
有預所嗟衰孱叟早蒙青眼顧俄焉失其依茫
若行迷路俛仰舊芳林春風冀重布

賦得緣情慰飄蕩

此少陵句也瓜田外史讀而感焉淒咽不
能已遂援筆賦之邀予同作

寂寞論千載臨風一听然陰鏗餘別裁任昉擅華

賤雲路違天狗春山叫杜鵑由來多落拓遺集未
成編

任情聊自愜痛飲尚能豪稷契平生許風雲異日
遭哀鴻亦何事孤唳爲求曹後死知誰屬應輸老
布袍

附原詩

張庚

萬念無從托撚髭獨慨然江山羅寸管涕淚滿
長賤遠跡悲鷗鳥孤衷拜杜鵑未能歸故國楚
榜集遺編

愁與愁恒接吟懷益復豪低回難自解踊躍快

相遭付誦憐家嗣相疑悵世曹豈知後死者把

卷溼青袍

春聲

樂歲誰能繪居然聞此音仰天欣一飽到地直千金
欲辨灘前碓還疑月下碓村毗秋殷殷野闊夜
沉沉吉貝勞相荅黃梅熟可尋因風飄

玉闕譜入五絃琴

題崔一村明府去思八景

選四首

早聞吏局勞佳士到處輿歌仰令才五兩風帆三
版水鄉人船載孟嘗來

右下車圖

秧鍼拂拂水田田曲曲溪流處處穿夾岍鉤轉斜
日外勸農官到綠楊邊

右勸農圖

行雨蒼龍四野垂却從雲裏見之而老農額手歡

欣日正是長官默禱時

右禱雨圖

平生惱恨不平事米富偏思米價昂一自長官申

勸後日輸平糶米千囊

右糶濟圖

富人儲粟盈囷每見米價平則愀然不樂或數

日少騰則舉室相慶甚者猶不輕售久之市販

益爲居奇價遂不落於戲粟爲民天

聖天子宵旰勤勞凡以爲斯民計菽粟者至周且

悉米價平則貧者得飽米價長則富室滿贏卽
一邑計之富者百之一二以萬家計之富者得
一二百苟能體天心心

聖意則米價不昂而商賈通利貧乏不至受餒安
知天不降鑿此心使富家子孫長保其富以共
享昇平其利不其溥哉因題斯圖而及之亦以
醒世也

湯漣子

企脚偏於稻薦宜微薰紙帳放梅時早朝踏雪貂
裘客辜負長宵暖不知

豈無睡鴨噴香時被底溫存終讓伊興到便將盛
臙酒不妨喚作小鴟夷

棄捐時節恰三春包裹何曾著點塵說與雙鬟休
自薦遣炎還有竹夫人

前身只合是丁芋鄂被相逢亦偶然盥洗還堪資

曉讀井闌不用汲寒泉

予幼時家貧隆冬未明即起讀書則無薪舉火熱水

汲井泉代之膚爲之龜坼也

題張上舍龍威詩集

樂府曾翻絕妙詞爭拋紅豆譜相思而今衰白還

鄉里又讀江湖載酒詩

十杉亭外月當空往躅追尋一夢中讀罷傳來春
草句吟成蚊蝶舞東風

前歲抱痾還里劉延清尚書遺詩五首送別
詞旨諄切每出笥展玩循誦無已秋雨兀坐
蕭齋依韻爲答

昔年將母去曾賦別君詩

延清初館選與予居同巷余於乙巳秋奉母

歸里曾賦詩畱別蓋三十年矣

衰白又今日瓊琚報好詞祇緣分

手重翻喜入秋遲

得假時正值暑甚不能束裝八月望後始諏日登舟厚意

何能忘悠悠繫我思

魚水君臣遇

恩光荷九霄公才如鄧禹我識愧房喬扈從陪行
帳將攜侍早朝偶然違咫尺便遣小奚招

烏臺貞百度鰲禁領斯文中壘藜曾照孝威筆出
羣論思常得獻諫草不須焚友直平生益還期繼
此聞

欲別難爲別猶能憶別時勤拳良友意簡要吉人
辭願保松喬質長居喉舌司臯謨兼益贊一德慎
如絲

蕭然門館靜于以樂吾初退直得清暇有時還讀
書大兒能接武幼子喜循除素壁傳清節應懸羊

續魚

附原詩

劉統勳

歸愚歸隱日公作送歸詩今日送公者誰爲絕
妙詞金門諸彥集秋水片帆遲夢覺聞鳴櫓依
依魏闕思

一疏陳丹陛重綸下紫霄
睿文申眷注上壽
錫松喬詩和猶三接兒扶更早朝俱蒙
優詔
許詎待小山招

豈弟存吾道恢奇聚藝文平原餘乞米內史詔
鵝羣叱馭曾師古拔茅切救焚灑然存一老嘉

香梅齋集 卷三
惠四方聞

從來膠漆意倍在別離時欲敘平生事難裁覩
縷辭久隨丹禁地同筦白雲司尚有前期在鴛
湖下釣絲

烟水幾千里身輕放鷁初善酬

明主意勤讀養生書有子辭金馬經時返玉除平
安頻奏達不必覓雙魚

薛山人生白銅婢杖歌

竹枝脆折蒲萄軟曇瞿自詡波若眼幽崕危磴不
可到長鬚小奚足偃蹇山人銅拄三尺強短小精

得流金光隨身來去呼作婢乘濤鼓柂相扶將首
山躍冶鑄初就玉女變色蛟龍藏一從山人得此
杖飛騰矍鑠神益王偶然緩步坐花間扣之鏗然
應低唱古有愛妾換名馬請以款段遺從者不然
攜手共君行酬詩且學張方平

春帖子詞

淑氣靄璇宮

慈闈萬福同盤中延壽勝簾外試燈風

千歲葑章纔七閏

萬年寶籙彙三元

皇仁直與春風似披拂涵濡盡受恩

蠶收麥熟稻登場兩浙三吳處處強報賽迎年還

望

幸翠華重到樂豐鄉

香樹齋詩續集卷四

嘉興錢陳羣集齋

甲戌元旦余以足疾未赴天寧寺朝正設香
案於中庭望

闕恭叩紀事一首

瑞烟深處望

慈寧曙色濛濛上曲屏自有鳴雞當玉漏何妨旋
馬作頭廳農祥正正雲中見鈞樂悄悄夢裏聽瘦
骨真同陽羨客敝裘襍穢立矜竈

甲戌正月四日夢登黃鶴樓見李蒼崖使君

科頭倚闌而立餉予柑一雙覺來忽忽此景
如在目前少頃闔者持尺素至曰從楚中寄
來啟之則蒼崖書也纏綿拳懇凡三百言篇
末有揚帆東溯湖頭之語不覺信眉色喜用
東坡烟江疊嶂詩韻答之並請如約

夢中扶藜遊楚山扁舟一泛湘波烟故人招我好
顏色雙柑分餉何殷然醒來雞啼燈火暗但覺沁
齒如流泉天明打門門者應袖中一緘曰來自晴
川開緘江梅三百朵隨風朵朵飄尊前先生落拓
聊自喜黃樓俯瞰江連天舊巢萬里不歸去樊口

竹石依暄妍我欲割此百福坊邊一畝宅勸君更
置千金圩上二頃田百福坊千金圩皆吾郡地草堂陽羨非故
井至今韻事留千年笑予凡骨本塵土乞靈江山
資秀娟長夜懷人坐擁被東方欲明猶未眠熊經
龜息未肯學豈羨十洲三島儵忽來往之列仙莫
言聚散偶然耳某邱某水遊釣皆夙緣題詩紀夢
當會面故人讀此只作來訂東遊篇

送鵠雲弟之官皖城

紆道寧親暫息勞行裝未換舊征袍早聞國老爭
推轂自有當塗爲解條賢路何妨先百里門才終

見夢三刀年來斃斃依鄉井話別春前首重搔

次瓜田正月五日記神後邀同人集強恕齋

韻

物華聊記載幽意托風人雪應隔年臘梅爭五日

春祀仍勾踐舊酒泛月波

秀州酒名

新輸與彌伽老招

要近局頻

瓜田外史示甲戌上元觀鄉飲酒禮詩卽次

其韻

由升及拜旣禮樂安且節器數本自然於以寓施

設

聖務重引年鉅典三
為象著達州郡如星各陳
列孝治隆漸摩四海歸有截陶茂守歲辰孟陬指
寅月

堯階葢莢齋萬彙方生發盛氣導之來溫肅見更
迭行立和不氣身正義無褻我生慕緇衣對之心
如結洋洋聞二南雍雍告三闕信修比造車自合
門外轍君子飲無數令矩必中折惇史吾未逮厥
事敢勿述側聞司正言賓主幸無越乞憲念上庠
向日胥欣悅

附
原作

張庚

青旛届三辰欣逢上元節鉅典乘時修芳筵絜

齋設上庠地何肅大儀固

揭

中懸鄉飲酒禮圖

主人

拜迎寘執事恭就列三讓禮

煌煌正一輝昭日月醴俎實開脯醢豆

芬發祭薦作獻酬及於省更遇隆殺何其宜週

旋總無褻曜靈方正中瑞氛藹欲結工人始升

歌笙間遞以闋聖皇重引年賢守敦故轍舉

廢新觀瞻成禮美馨折遵憲復乞言惇史亮能

述孝弟義旣彰黎庶情罔越仁風接禱門溥被

四海悅

附

錢受穀

孟春祖陽氣烹狗應時節主人旣謀賓蒲筵遂
前設自古無遺年王道此昭揭憲乞隆上庠州
序亦陳列大哉 皇朝化四海頌有截休息徧
黎元昇平樂歲月於以禮屬民孝弟尤感發舉
爵醕高年酬獻遞更迭司正攝其儀典重詎敢
褻仁義苟衆著輿情自蟠結斯禁尚在堂正歌
俄已闕道路美觀型比問奉軌轍慕善何油油
對之心欲折由來政教本此事寧勿述 聖澤
盛旁流歲星應守越行看慶屢豐眉壽胥欣悅

春雪歌次瓜田外史韻

癸酉冬吾郡得雪甚微甲戌正月立春後
數日得雨旣而大雪此上瑞也瓜田以春
雪遜於冬雪爲嫌及聞老農語始欣然作
詩紀之時予病足初起

落燈風後雨復雪東君著意弭春節感春詩人方
較量知時老農早欣悅瓊英鋪定雨脚收土膏沁
入麥芟發由來一郡足千里

嘉禾熟浙西足古語
此郡人諺語也

有云豈徒說

皇誠昭格靡勿通序令先後默旋斡病餘自笑成

詩狂檐梅壓雪含幽光邀君踏雪便尋梅扶藜一
試山人裝信足所至有坦步及時行樂真良方如
此昇平如此瑞君如不飲負此觴我行躑躅猶起
舞吾足跛矣神飛揚

附
原作

張庚

臘月不雪正月雪殊訝天公失時節晨興老農
忽我過詢之盛稱良可悅麥苗菜甲蟄不舒從
此勾萌茂生發指點階前厚尺餘豐年仍兆非
虛說要知造化肯惠施先後之間見迴斡我聞
斯語喜欲狂呼樽對酌延清光清光奕奕皓雙

香齋集 卷四
五
眼直令茅屋瓊瑤裝耕當問農洵有以乃知學
問誠無方老農含笑斟復起請君且勉傾此觴
爲君擊落梅上積蓓蕾定校前朝揚

題莊遇軒大令洗馬圖

三年作宰清且貧玉壺寒冰絕點塵由來牧事師
卜式至今澤被巘疆民鄧公有癖平生在駿骨不
惜千金買黃金臺畔苜蓿肥曾度蠓螭入青海生
駒一躍如流梭就中尤數拳毛騮曉寒踏雪昭君
塚晚涼洗馬桑乾河龍媒散去皆成功畫師畱影
畫圖中爲語圖中顧盼者主人今作多牛翁

題張怡亭觀蘭圖

昔有天錫子平生愛遊覽
藝蘭比才秀此旨會深
闇張君實師之夙昔慕恬
憺對茲九畹姿臭味時
一領不知門外塵自養胸
中澹穆然坐清風白日
扃小戶

莊愈廬舍人齋中雙盆梅歌次陸根堂編修
韻

尊前玉色東風面嫩晴
天氣華堂宴主人愛梅有
梅癖鄧尉山塘踏來徧
人間國色無雙姿無雙有
雙得兩枝我生不識邢
與尹神光旖旎今見之須

與君屐聯翩至對此那能辭一醉當歌憶昔發餘

思竹爐山館茶初試

辛未仲春西溪梅事特盛

法駕南巡鄧尉上取竹爐

烹泉賞之從臣皆有恭和元韻詩數種

年時扈從今退翁梅花應笑

同非同歸來忍負梅花約坐覺日月成虛空常怪

此花遺騷僅存雅

離騷經以嘉卉喻君子獨遺梅花小雅則僅存其名

逃名

遂性全山野縱令牙笙檀板為君容終許破檀紙

帳為君寫

聞孫園吳祠普明禪院諸處梅事方盛同人

載酒訪之舟經烟雨樓風阻不果維舟樓下

卽席用東坡松風亭梅花盛開韻

環環湖面連墟村梅花靜掩孤山魂美人空谷各
自賞宜晴宜雪宜黃昏吳家祠堂孫家宅六朝老
樹畱祇園昨日偶動看花興養花天氣餘微溫今
朝上船風忽作波光澹漾朝日暎松舟小泊釣磯
石魚鑰自啟重樓門名花一覲有定分此理洞徹
應無言人生有願多似此不如且倒花前尊

暮春訪汪玉山太守求是齋出歐陽圭齋送
王都轉長律橫卷適朱上舍攜春橋草堂圖
冊索題卽用圭齋韻應之

杖藜來試踏春泥夾岸垂楊壓帽低水曲便通朱

香林齋集 卷四
邑里橋平儼似白公隄疎籬鹿眼翠初潑細草羣
腰綠已齊竹塢漁莊最深處一層石路一層梯

題汪求以太守墨池圖冊子

昔聞王右軍耽書有奇癖洗硯臨清池池水爲之
黑後有王元章畫梅但用墨種梅洗硯池花開澹
墨色海岳實兼之書畫兩奇特曾知無爲軍軍治
地餘隙鑿池旣得水古硯資洗滌興來圖瀟湘往
往驚座客至今五百年藝府守宗祏歲久池亦湮
覽古弔陳迹亭榭付榛莽巋然存拜石汪君來是
邦豪蕩多感激公餘發十夫濬也洵非闢渠成水

漢起循除鳴漉漉好事數過從紀載賤屢擘嗟我
不善畫筆法沾餘瀝黃庭不可攀公乎窺正則使
節三十年南疆徧遊歷雲龍鶴不還醉翁人已昔
湛然見池光塵鏡重拂拭願君畱斯圖一再展几
席

題秦氏園亭兼懷味經侍郎

春遊小步仍三月

乾隆十六年三月
扈從法駕過此

茗事初嘗第

二泉隨意軒楹無粉飾遂情樹木自風烟高懸鳳
藻當頭上橫捲龍山到面前寄語白雲同省客故

人存活又經年

余前歲卧病京邸
味經惠藥劑調治

附和詩

秦蕙田

三殿鳴珂趨夜漏
幾人樂志遂林泉
山中猿鶴空明月
湖上樓臺足曉烟
接武文章鼇禁裏
傳經燈火鯉庭前
閒來叅得坡公句
應信當頭百卅年

訪同年盧抱孫觀察於邗江官署話舊言情
得四絕句

雪泥鴻爪任人猜
宦味真同蔗味回
最是揚州明月好
多情還照客重來

多情最是揚州月
直送行人出塞垣
抱孫舊作也

霜晨小酌令支酒
月夜輕移沾水船
又見落梅官

閣裏燈前一笑各華顛

雪堂新治致偏幽
笛簟平鋪揖舊遊
有石數拳花數朶
詩篇簿領一時投

廣陵春水碧鱗鱗
三月鶯花到眼新
六十年中誰

管領推官都轉兩詩人

漁洋山人官司李時至今六十年王盧皆濟南郡人

抱孫飲予官閣并邀廸夫同年話舊卽席得

詩一首

東風吹帆落瓜步
篋輿訪舊長鬚隨
道逢故人迎笑面
歡然揖我弭節麾
執手訝問何太瘦
約我一醉花前卮
是時紅藥花未放
倚石高樹開辛夷
須

與有客自三徑暫輟講席閑臯比

時迪夫主安定書院聞予至即

輟講來會臘糟旋

去聲

澆鷓頭筍凍鼓薄摻玉版鮓坐安

相對各道想杯深隨意猶論詩三人一百九十九

予今年六十有九迪夫抱孫皆六十五歲

予年則長身則衰當年看花

長安陌雲龍相逐還相追中間一別動逾紀會面

自喜無復疑若欲誇張少年處殷兄張丈非予誰

太平風月莫輕擲明當扶杖平岡垂

附

蔣恭棐

揚州一月雨不絕桃花亂落楊花隨乍晴天氣

互寒燠造花狡獪恣指麾連朝謝客坐講席經

旬服散疎酒卮都轉忽馳片紙約嘉客旣見心
期夷握手迎面賀無恙我慚荒學擁臯比主人
情深致佳醞入饌兼有新江鱗侍郎雖老尚豪
宕算年紀事遂成詩古賢立身期晚節亦覺年
至嗟其衰三人一百九十九耆英舊句今能追
千秋寂寞那可料眼前相信各不疑此邦風雅
歐蘇後新城代興舍盧誰鴛湖還棹莫底急去
歲相隔燕南垂

荅夢麟學士

掄才在南國嘉植如良苗耘耔旣云力雨露終自

邀亦如幽蘭質結根遺山椒揭車信可載返轡迴
江臯秋草無春榮任運知非遙老叅種樹書期子
會同條

新詞雲間下高韻諧鸞笙大旨訴相憶妙要陳長
生韶音發萬竅天風振江聲獨立青溪客蒼然感
五情羣才際

聖代正雅同一聽休明有先兆遙企岐周鳴穆如
契元古躁釋中自平

人言思終遠旣遠可廢思如何情深者猶然十二
時中懷苟不諒往往遭詬訾匪石曷以轉怒焉如

調飢抱茲硜硜質豈敢邀衆知臨風一浩歌涕泗
難自持非學楊朱泣非感墨翟悲徬徨緬古昔於
以寶令姿

附原詩

夢麟

喬柯墜繁露潤逮隴上苗膏澤良自天蔭息終
常邀春暄發土脉芳畹滋申椒可憐幽蘭葩寂
寞寒江臯寧勿畏霜雪雨露知非遙逝當愛春
暉藉以酬長條

寂士撫清絃仙客調鸞笙元感發靈籟惜未哀
人生夫子契古道揮弦振大聲靜叶天地撰細

齊民物情廢庭

帝有喜被廟神是聽賤子步高律毋迺鷓鷯鳴微
吟慕元化亦復中和平

騷裏如可識伯樂胡見思奮踔馳橫門彌憶哀
鳴時俛首就九軌或以惡馬訾哲人見歎息一
顧悲吾飢雖非千里材畏辱君子知浮雲東南
來悵望中難持含情睇天末白日子心悲願奉
王喬丹永駐洪崖姿

荅陳生詩

生名奉茲江州德化人子丁卯主豫章試

以生領解頰後屢困南宮予蒙

恩予假還里養痾曾約生於歸道詣予攷評所得
既而不果昨從郵筒中寄長律四首詞旨
懃懇格調峭拔非復吳下阿蒙矣惟推許
逾涯讀之且喜且慙次韻爲報聊示近狀

云爾

秋會曾虛膾玉鱸無人載酒到江湖閑來得句誰
當賞偶去看花強自娛况示殷勤千里外平生嚮
往一時俱他年講席開何處應笑先生糠粃壘

來劄
云行就廣
文一席

夢時曾度虎溪邊
迹翩翩喜接連

春前夢遊東林見生與蔣

生士銓裘生麟鍾生儼祖導子酌智慧泉醒時齒頰猶香且擬尊中沽上若何

須門下辦東田人言疏傅辭朝日事類維摩示疾

年老大心驚

恩未報諒無情緒問絲絃

擔當局內豈無人暫寄山中草木身但說憐才還

技癢輒從弄筆見精神悔心借鑒惟師古愁緒如

荻况遇春驛使傳來詩句好問誰對此尚能嗔

皇恩特許賦歸來杜老情懷感七哀不信逢時慚

是好

用退之語

始知倖獲福爲災無多歲月因忙擲漫

與詩篇帶病催饒介

饒編修學曙

蒼生憑問訊早聞匹

馬遲江隈

附

陳奉茲

不關秋到憶蓴鱸臥病身歸范蠡湖粗服亂頭
裴自好敷文析理謝長娛門生載管金銀具諸
子傳衣筆酒俱入夏炎中團扇畫仙人那似舊
來癯

春來講席落帆邊陸贄聲名喜接連得句舊曾
題種樹著書今合號歸田名流並憶登龍日詞
客長歌放鶴年誰向西湖陪宴賞對公紅頰試

箏絃

經師天下更師人共說廬陵此後身百代愛才
連性命一生集古足精神河流不問操卮飲桂
樹寧知附岳春最是漣心難罄盡有時獎借有
時嗔

一從樵李賦歸來孤露門生百可哀但捧人名
尊作佛誰迎我馬拜消災文章自愧青錢選年
歲多爲白日催就此詩成無處問雙眸南斷水
雲隈

題何東江上舍小影

觸手牙籤尚未攤
桐花潑乳漱清寒
西園圖裏曾相見
小設瑤琴坐石盤

呼童汲井趁朝暎
沆瀣空中遞薄麈
消受人間清曠樂
不知世上有煩喧

客從滇中來遺洞庭茶荔支賦謝詩一絕句

攤書臨帖了前因
半臂蹒跚可笑人
閑數盆荷開

落候長鬚捧到碧螺春

洞庭茶名也

兩朝恩遇近蓬萊
樹上分嘗拜一枚
今日陳家園

裏物

荔支以陳園產者爲第一

却從萬里客攜來

平山堂紀遊詩

黼庭少司農奉

命督修高堰石工將竣得假省親後治裝北上經
過邗江余適艤舟維揚盧抱孫都轉邀遊
平山堂明日余卽渡江而歸黼庭抱孫各

寄詩索和因次其韻

扁舟渡江船頭立但見春去何堂堂連朝故人餉
美酒更投險韻搜詩腸宿醒未醒吏來報明當遣
騎相扶將是時鉅工初奏績長虹綿亘周隄塘十
日得假暫歸省還

朝使節來維揚治春遺風有嗣響如蘇繼歐差足

當豈惟佳會一攀陟要與名蹟分主張憶昔紅橋
門詞賦鞭笞陳宋走且僵我來江雲若相遲恢台
天氣霏清涼酌泉據石行復住攬勝未肯遺偏旁
登堂如入閨風苑咳唾一落千丈強揮毫萬字付
苔蘚憑弔往躅懷老蒼三州隱見一凝睇芙蓉朶
朶相頡頏不知到此偶然耳竟欲身世同混茫侍
郎生本此邦傑自言初入選佛場題詩紀事劘貞
砥鏗鏘音節何洋洋廿年同直別兩載梧桐林秀
依朝陽征帆行楫各南北華簪席帽分開忙病餘
筆墨猶未廢梅劉故事聊評量山靈有約期再舉

平生一覲幸勿忘

附原詩

嵇璜

半生幾度邗溝上惜未一至平山堂山靈有知
應笑我輒紅萬斛堆胸腸春風初迴江上棹清
遊便約相迎將藍輿軋軋轉城北木蘭舟在橫
河塘天然一洗脂粉陋自有真色誇維揚主人
詩名噪海內登壇旗鼓誰能當秀州宿老來避
逅致師摩壘軍方張繫余欲以不戰勝退避三
舍走且僵其時薄陰雨不作花事漸澹風微涼
名園別墅鬥奇趣一重一掩羅岍旁探幽肯憚

苔蘚滑濟勝漫詡腰脚強逶迤不覺到山麓萬
松夭矯排青蒼泉名第五品水味差與西神相
頡頏攝衣拾級眺層閣隔江雲樹烟微茫嗟乎
此堂之成近千載登臨有句孰擅場半山襄陽
不可作

國朝最數王漁洋雅雨後出掩前輩獨以古調傳
歐陽名山名士夙緣在坐令過客嗤奔忙別來
幾日攪清夢二分明月閑評量寄語秀州遊勿
倦好志此會期無忘

附

盧見曾

冶春宴罷流風長畫船繫徧平山堂大雅不作
山靈寂寒號枉自搜枯腸八騶高駕兩詩老不
期而遇非邀將茂作地主合好會扁舟載酒尋
雷塘名園櫛比盡領略大都幽折鮮發揚躋堂
頓覺眼界濶遠山入座紛相當有如芙蓉刀劍
削有如雲母屏風張檻外老梅著花過屈曲瘦
榦饑蛟僵此州衝要苦兵火繁華一過全荒涼
劫殘誰復遺堂舊點綴古蹟羅其旁湘靈病起
我脚輒濟勝惟有巾散強井汲五泉水清冽亭
攀萬松蔭鬱蒼幽尋每愛趺龜仆俯矚時有飛

鳥頰高刹梵音降縹緲大江潮氣浮混茫徧訪
奇踪滿胸臆乃建旗鼓登壇塲舊侶長城樹幟
慣偏師我亦軍莽洋無端驛騎催客散鳥啼花
落空斜陽挂帆詎因著屐懶乘傳直爲治河忙
郵筒轉遞二十韻才溢八斗誰能量和詩追寄
秀州去毋令逋欠推坐忘

輓同年蔣廸夫編修

病免歸來接笑言感君存問意何敦先君病者後
君死一棹歸來哭寢門

六經剩義比恒沙密訂幽探恣剔爬獨守蓬萊最

深處不離鄉井作仙家

文字知交亦有因涉園圖畫悟前身玉樓趺坐沉

吟客倘一相需商確人近者閩亭陸太守寄涉園

前輩作記中云隔岸風柳搖漾藉以方衲趺坐伸

一卷沉吟者為姜觀察賦山就觀察坐身微側撚

髭晚觀察若商確文字者為蔣編修廸夫會面真成一刹那盧仝席上醉顏酡廸夫主安定書院講席子

於初夏訪同年都轉盧君抱孫即重過安定祠堂

約廸夫同飲花下甫浹月而訃至外早有門人廢蓼莪

語兒鄉

魏塘水迴抱有里阻且采云昔范大夫曾擇鷓鷯

棲西子未歸吳於此先結禱無何抱一子白晳能
言詞遂以名其里表端曰語兒訛言誰作俑流傳
至今茲夫差方慕色兩目耽睢盱勾踐旣返國悉
索苦不支事仇餌以色舉網得西施大夫受成命
一往無復疑奈何中道廢而竟三年稽周公乃大
聖輒非理謗之放牛桃林日有詔賜妲姬清談恣
譏評名禍不自知非聖者無法王者所必治泥古
不衷理何用攷古爲

寄懷劉崇如編修四首卽次贈別原韻

衆材各呈能成器歸大匠就中中棟梁注目斤斧

暢平生慚國工耿耿抱微尚道隆契自深運際時
方壯豈惟托孤懷於此厲高唱明月出雲端萬彙
同一仰誰知巖棲叟獨立早睇望此致終難傳默
默寄清曠

玉皇召羣仙高選司記注接武香案邊藝門蔚清
譽由來德愛深遷擢期勿遽神駿遇王良蕩蕩周
原路秋餐黃菊英春鍊紅梨句袂連西清彥迹洽
東華署我老棲蓬衡空庭一閑步懷人冬夜長擁
被窗櫺曙

昨聞握丹筆匹馬走羊城鍊網購璣貝玉尺程俊

英回轡指北闕斗杓復南橫領勝有深會一掬終
未盈餘情托毫素詩本題南征酌泉弄明月長揖
芙蓉青少滌京洛塵更濯滄浪纓歸來事早朝仰
看長庚明

臥疾歸海濱彈指周再歲老驥立春風長嘶願終
惠

皇仁眷衰殘雨露有偏逮飄蕩惟自任眠食猶好
在裁書寄遠道一慰平生愛情知良士衷卓犖邁
時輩願借長河流寶劍發精淬努力崇明德前哲
垂深誨

附 送別原韻

劉 墉

帝廷有名卿藝苑有哲匠蘊真道為鄰舒卷清風
暢平生古處敦冲襟多雅尚吹嘘寒谷溫栽培
弱植壯冰雪縈懷抱疏越朱絃唱天游謝畦吟
嘯歌寄俯仰秋官頌臯蘇明慎欽時望云胡賦
歸來養疴樂閑曠

廿載侍禁林欲去

皇情注緬惟忠孝家朝野多嘉譽篇章以寵行眷
眷行無遽秋風理歸櫂迢遞江鄉路琴書六一
舫藥裏少陵句宵涼夢偶成徘徊玉堂署庭薇

映華髮階藥引閑步覺來烟水寬
藹藹滄洲曙
送別東門道冠蓋傾都城久要多宿德
新知羅
俊英及此桂光圓銀漢正斜橫
洗爵壽君子中
有灑露盈低徊詎可畱
迅鷁隨雲征一髮是江
南眼與山俱青湛湛長江水
濯我無塵纓歸來
把黃菊獨酌和淵明

曩隨函丈初憶自辛壬歲及茲一星終
弗緩周
行惠深心有夙期引翼若不逮
寅年六角書明
明如月在裁詩帳離悰深
虞言鮮愛鯉庭洽季
昆風流更前輩豈惟文字緣
古義相磨淬猶冀

